

2. gr.

Reglugerð þessi öðlast þegar gildi.

Reglugerð þessi er sett samkvæmt lögum um breytingu á lausaskuldum iðnaðarins í föst lán, nr. 36 15. maí 1964, sbr. lög um breyting á þeim lögum, nr. 87 20. desember 1968.

Iðnaðarmálaráðuneytið, 3. febrúar 1969.

Jóhann Hafstein.

Brynjólfrur Ingólfsson.

REGLUGERÐ

um breytingu á hafnarreglugerð fyrir Suðureyrarkauptún,
nr. 74 18. maí 1948.

1. gr.

22. grein reglugerðarinnar orðist þannig:

- a. Skip og bátar, sem eru eign manna, búsettra í Súgandafirði og gerð út þaðan til fiskveiða og flutninga, svo og önnur skip og bátar, sem gerð eru út frá Suðureyri a. m. k. tveggja mánaða tíma á ári, skulu greiða lestagjald einu sinni á ári, kr. 10.00 af hverri heilli brúttórúmllest skips eða báts. Vélbátar, minni en 5 rúmllestir brúttó, skulu greiða kr. 100.00 í lestagjald á ári.
- b. Önnur innlend fiskiskip greiða 40 aura fyrir hverja brúttórúmllest í hvert skipti, sem þau koma til hafnar, þó ekki minna en 5 kr. í hvert sinn.
- c. Innlend strandferðaskip greiða 50 aura af nettórúmllest í hvert skipti, er þau koma til Suðureyrarhafnar.
- d. Önnur skip, sem til hafnarinnar koma, nema þau, sem undanþegin eru hafnargjöldum, greiða, ef þau hafa samband við land, 120 aura af hverri brúttórúmllest í hvert skipti. Hálf rúmllest telst sem heil, minna broti skal sleppt.

2. gr.

24. grein reglugerðarinnar orðist þannig:

Hvert skip, sem leggst að bólvirki eða bryggju, hvar sem er í höfninni, skal greiða bryggjugjald eftir stærð skipsins, talið í heilum brúttórúmllestum, en broti skal sleppt.

Gjöldin skulu vera sem hér segir:

- a. Bátar og skip, 12 brúttórúmllestir og stærri, sem eru eign búsettra manna í Suðureyrarhreppi, greiði kr. 10.00 af hverri brúttórúmllest á ári. Minnsta gjald kr. 100.00.
- b. Öll aðkomuskip greiða 50 aura af nettó rúmllest fyrir hvern hálfan sólarhring eða hluta af sólarhring, sem þau liggja við bryggju. Minnsta gjald skal þó vera kr. 30.00 í hvert sinn. Liggi þau skip utan á öðru skipi greiðist aðeins hálf gjald. Sama máli gegnir um þau aðkomuskip, er fiskveiðar stunda frá Suðureyri, eða eru gerð út þaðan. Þá getur hafnarnefnd, ef hún telur ástæðu til, gert samning um bryggjugjald slíkra skipa. Erlend skip greiða 75 aura af nettó rúmllest. Heima-bátar greiði kr. 8.00 af hverri brúttórúmllest á ári. Undanþegin bryggjugjaldi eru sömu skip og um getur í 23. gr., nema er þau flytja vörur og farþega, sem þau taka gjald fyrir. Þó eru herskip og skemmtiferðaskip alltaf undanþegin bryggjugjaldi og öðrum hafnargjöldum.

3. gr.

30. gr. hafnarreglugerðarinnar orðist þannig:

Vöru skal flokka til vörugjalds eftir því sem vörugjaldskrá tiltekur og gjald greiðist eftir því, er þar segir. Ef vafi leikur á í hverjum flokki skuli telja einhverja vöru úrskurðar hafnarnefnd, en úrskurði hennar má áfrýja til hreppsnefndar.

Vörugjaldskrá.

A. Aðfluttar vörur:

1. flokkur. 200 aura fyrir hver 100 kg:
Slægður fiskur með haus, eða jafngildi þess, sé fiskurinn fluttur í land í öðru ástandi.
2. flokkur. 250 aura fyrir hver 100 kg:
Kol, salt eða sement.
3. flokkur. 50 aura fyrir hvert tengingsfet:
Timbur.
4. flokkur. 75 aura fyrir hvert teningsfet:
Aðrar vörur, sem reiknast eftir rúmmáli.
5. flokkur. 30.00 kr. fyrir hvert tonn:
Olía og benzín, en í fötum kr. 6.00 á hvert.
6. flokkur. 100 aura fyrir hvert stykki:
Tómar tunnur.
7. flokkur. 200 aura fyrir hvert stykki:
Vörur alls konar undir 15 kg þar með talið fiskumbúðir (ytri kassar), plasteinangrunarbúnt og matvara. Fyrir hvert stykki yfir 15 kg greiðist kr. 4.00.
8. flokkur. Kr. 40.00 fyrir hvert tonn af vörum, 100 kg eða þyngra, enn fremur járnvörur, sem ekki er áður talið.
9. flokkur. Kr 20.00 fyrir hvert tonn af sild og smokkfiski.

B. Brotfluttar vörur:

1. flokkur. Kr. 60.00 fyrir hvert tonn:
Hertur fiskur alls konar.
2. flokkur. Kr. 40.00 fyrir hvert tonn:
Hraðfrystur fiskur.
3. flokkur. Kr. 25.00 fyrir hvert tonn:
Saltfiskur.
4. flokkur. Kr. 25.00 fyrir hvert tonn:
Lýsi, sild, hrogn, kjöt, gærur, beinamjöl, og aðrar vörur, sem reiknast eftir þyngd.
5. flokkur. 50 aura fyrir hvert teningsfet:
Vörur, sem reiknast eftir rúmmáli. Minnsta vörugjald á stykki er þó 3.00 kr.

Hafnarnefnd er heimilt að undanþiggja vörugjaldi innlendar afurðir, sem fluttar eru að eða frá staðnum í smáum stíl.

4. gr.

32. gr. hafnarreglugerðarinnar orðist þannig:

Fyrir að leggja vörur á land hafnarinnar skal greiða kr. 1.50 fyrir hvern fermetra

lands, sem varan þekur, sé hún ekki flutt burt innan tveggja sólarhringa. Gjald þetta reiknast fyrir hverjar 24 klst. eða brot úr þeim. Gjald fyrir mikið vörumagn má ákveða með samningi.

Reglugerð þessi, sem sett er samkvæmt hafnalögum nr. 48 29. apríl 1967, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 5. febrúar 1969.

Eggert G. Þorsteinsson.

Kristinn Gunnarsson.

6. febrúar 1969.

Nr. 53.

REGLUGERÐ

um breytingu á reglugerð nr. 10 19. febrúar 1962, um breytingu á hafnarreglugerð fyrir Húsavíkurkaupstað, nr. 8 31. janúar 1959.

1. gr.

24. grein reglugerðarinnar orðist þannig:

- a. Skip og bátar, sem eru eign búsettra manna í Húsavík og skrásett þar eða gerð út þaðan til fiskveiða og flutninga, þó ekki millilandasiglinga, svo og önnur skip og bátar, sem gerðir eru út frá Húsavík a. m. k. tveggja mánaða tíma samfleytt á ári, skulu greiða lestagjald sem hér segir:

Opnir bátar greiði lágmarksgjald kr. 169.00 og auk þess kr. 48.75 í hverja brúttórúmllest.

Þílfarsbátar greiði lágmarksgjald kr. 338.00 og auk þess kr. 48.75 á hverja brúttórúmllest. Fari þessi skip millilandaferðir, verða þau gjaldskyld undir d-lið þessarar greinar og má þá endurgreiða nefnt gjald hlutfallslega fyrir þann tíma, sem millilandaferðin tekur eða ferðirnar, ef þeim er haldið áfram óslitið.

- d. Innlend fiskiskip greiða kr. 1.35 fyrir hverja brúttórúmllest, í hvert skipti, er er þau koma til hafnar.
- c. Strandferðaskip, sem að staðaldri eru í strandferðum, eftir fastri fyrirfram auglýstri áætlun, greiði kr. 1.01 fyrir hverja rúmllest (nettó).
- d. Öll önnur skip greiði kr. 1.95 á hverja rúmllest (nettó), nema herskip, varðskip, skip sem hafa skirteini sem skemmtiferðaskip, skip, sem gerð eru út til vísindalegrar rannsóknar, og skip, sem leita hafna vegna sjóskemmda, svo og vitaskip ríkissjóðs.

2. gr.

26. grein reglugerðarinnar orðist þannig:

Öll skip, sem til hafnarinnar koma á tímabilinu 1. ágúst til 15. maí og um getur í 24. grein, skulu greiða ljósagjald þannig:

- a. Skip, sem getur um í a-lið 24. greinar, greiði árlega kr. 97.50.
- b. Skip, sem um getur í c-lið 24. greinar, skulu greiða í ljósagjald kr. 0.33 fyrir hverja nettórúmllest.
- c. Önnur skip, hvort sem þau greiða lestagjald samkvæmt 24. grein eða eru undanþegin, skulu greiða í ljósagjald kr. 0.33 fyrir hverja brúttórúmllest, þó aldrei lægra en kr. 65.00 í hvert sinn.